

Concello de San Sadurniño

Expediente núm.: 394/2023

Resolución con número e data establecidos á marxe

Procedemento: Subvencións Directas ou Nominativas

Interesado: ESCOLA DE FUTBOL IRMANDIÑOS

Data de iniciación: 26/04/2023 08:59 2023-E-RE-325

RESOLUCIÓN DE ALCALDÍA

Á vista da solicitude realizada pola entidade “Escola de fútbol Irmandiños”, con CIF G02892941 e número de rexistro de entrada 2023-E.RE.325 de 26 de abril de 2023,

Visto que o Anexo de Subvencións nominativas que acompaña ao Orzamento 2023 inclúe unha previsión de subvención de 6.000,00€ para a entidade solicitante, consignados na partida 3410.48000,

Examinada a documentación presentada, vista a Ordenanza Xeral de Subvencións do Concello de San Sadurniño e de conformidade co artigo 21.1 f) e s) da Lei 7/1985, de 2 abril, Reguladora das Bases de Réxime Local,

RESOLVO

PRIMEIRO. Outorgar unha subvención directa nominativa con cargo á aplicación 3410.48000 do orzamento de gastos da Corporación para 2023 ao beneficiario “ESCOLA DE FUTBOL IRMANDIÑOS” pola cantidade de 6.000,00€

SEGUNDO. Formalizar a subvención no correspondente convenio, no que se detallen as obrigas e compromisos do concesionario para aplicar a subvención e xustificala, coas previsións que se sinalan como anexo á presente resolución, que terá carácter de bases reguladoras da mesma.

TERCEIRO. Notificar aos interesados o outorgamento da concesión da subvención, comunicando que o prazo para que se presente a documentación xustificativa da subvención finaliza o 30 de novembro de 2023, puidendo solicitarse prórroga de ata un mes máis.

CUARTO. Fornecer a información sobre a concesión á Base de Datos Nacional de Subvencións.

En San Sadurniño, a data de sinatura electrónica

O alcalde,

Secundino Garcia Casal

Ante min

A Secretaria,

Olalla Alvarez de Neyra Martinez



DOCUMENTO ASINADO ELECTRÓNICAMENTE

ANEXO – BASES REGULADORAS DA SUBVENCION

PRIMEIRA.- Á vista de que este Concello ten entre as súas áreas de actuación e competencia a promoción do deporte, instalacións deportivas e de ocupación do tempo libre, así como a promoción turística e cultural, todo isto dentro do interese xeral que reside na práctica do deporte como vehículo de mantemento da forma física e a saúde da poboación e a ocupación de tempo de lecer en actividades cunha importante faceta social e de integración colectiva, para dar resposta a esta necesidade é preciso subvencionar a actividade de ESCOLA DE FÚTBOL IRMANDIÑOS como medio de consecución dos obxectivos indicados en colaboración coa promoción privada, toda vez que o Concello de San Sadurniño carece de medios persoais e materiais suficientes para unha actuación equivalente.

SEGUNDA.- O crédito orzamentario ao que se imputa o gasto é a partida 3410.48000 por importe de 6.000,00€, segundo a previsión contida no anexo de subvencións do Orzamento Municipal 2023 de San Sadurniño, sendo beneficiario da mesma a entidade ESCOLA DE FÚTBOL IRMANDIÑOS.

TERCEIRA.- As actividades a desenvolver pola entidade beneficiaria son o seguemento do calendario do campionato de liga e copa establecido pola Real Federación Galega de Fútbol nas categorías prebenxamín, benxamín, alevín, infantil e xuvenil xunto coa formación educativa a nivel deportivo, social e en materia de hábitos saudabeis. A estes efectos, o obxecto da subvención virá dado pola colaboración económica por parte do Concello de San Sadurniño no desenvolvemento pola ESCOLA DE FÚTBOL IRMANDIÑOS da actividade indicada nos termos municipais dos concellos de Moeche, Cerdido, As Somozas e San Sadurniño

CUARTA.- A execución das actividades deberá realizarse ao longo do exercicio 2023, sendo subvencionables os gastos correntes relativos ao obxecto da subvención que de maneira indubitada respondan a natureza da actividade mencionada e sexan efectuados e aboados dentro do ano natural.

O outorgamento dos contratos de servizos, asistencia ou subministros necesarios para a execución da actividade corresponderalle á entidade beneficiaria. Non se poderá contratar a realización de prestacións con persoas ou entidades vinculadas á entidade beneficiaria, nin con calquera outra na que concorran algunha das circunstancias ás que se refire o artigo 29.7 da Lei 38/2003, de 17 de novembro, xeral de subvencións.

Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia de data de pago e da identidade do perceptor.

QUINTA.- As obrigas da entidade beneficiaria serán as establecidas no artigo 11 da Lei 9/2007, de 13



Concello de San Sadurniño

de xuño, de Subvencións de Galicia, e nomeadamente as seguintes:

- a) Desenvolver a actividade subvencionable durante os periodos de tempada deportiva de fútbol
- b) Dar publicidade do financiamento deste Concello en calquera medio escrito, radiofónico, audiovisual ou de internet en que se publiciten as actividades da entidade, mediante a inserción da imaxe visual do Concello (imagotipo e logotipo) en toda a cartelaría, folletos e publicidade en xeral que sexan editados con ocasión do desenvolvemento de actos deportivos (Regulamento de imaxe visual corporativa do Concello, publicado no BOP nº 99 do 27/05/2013)
- c) A entidade fará uso tamén do logotipo do proxecto de Xeoparque do Cabo Ortegal, do que o Concello de San Sadurniño é entidade promotora, no material divulgativo que edite, toda vez que o mesmo pode ser beneficioso directa e indirectamente para a Escola de Fútbol
- d) Cumplir cos compromisos sobre uso da lingua galega e promoción da igualdade e a inclusión; en concreto, nas súas comunicacións e publicidade a entidade beneficiaria comprométese ao uso da lingua galega, á utilización da linguaxe inclusiva non sexista e a empregar imaxes que promovan os valores da inclusión e da igualdade.
- e) A entidade beneficiaria comprométese a sumarse ás campañas desenvolvidas por parte do Concello de San Sadurniño en relación á promoción da igualdade e prevención da violencia de xénero.

SEXTA.- A subvención do Concello de San Sadurniño é compatible coa percepción doutras subvencións ou axudas públicas ou privadas, que a entidade beneficiaria obteña para a mesma finalidade, sempre que o seu importe, conxuntamente co da subvención municipal, non supere en ningún caso o importe total do gasto efectivamente xustificado.

A xustificación dun importe inferior determinará a redución proporcional da achega municipal.

SÉTIMA.- O importe da subvención aboarase con cargo aos créditos que figuran no orzamento de gastos, aplicación orzamentaria 2023/3410.48000, destinados a tal fin e o pago realizarase previa presentación da documentación xustificativa por medios telemáticos:

- Memoria declarativa das actividades realizadas financiadas coa subvención con desglose de gastos e o seu custo
- Relación de facturas ou documentos de igual valor probatorio no tráfico mercantil dos gastos realizados xunto cos orixinais ou copias cotexadas das mesmas e os xustificantes de pago dos mesmos (poderán achegarse copias simples, e o Concello resérvase a posibilidade de solicitar a exhibición dos orixinais)
- Certificación ou declaración de terse realizado o obxecto da subvención
- Memoria explicativa da actividade xunto con xustificación documental onde conste o cumprimento das obrigas da cláusula Quinta(recortes de prensa, programas de man, fotografías...)
- Relación detallada e certificación das cantidades obtidas por subvención ou axuda de outras entidades
- Acreditación do cumprimento das obrigas tributarias e coa Seguridade Social, certificada



Concello de San Sadurniño

cunha antigüidade máxima de 10 días respecto da data de presentación da conta xustificativa

As memorias declarativa e explicativa poderán presentarse nun só documento segundo modelo normalizado.

OITAVA.- O incumprimento dalgunha das cláusulas previstas no presente convenio de colaboración poderá levar aparellada a obriga de reintegro parcial ou total dos fondos recibidos, así como o pago dos xuros de demora que se xeren o día no que se realizou o pagamento ata o momento no que se acorde a procedencia do reintegro.

NOVENA.- O réxime xurídico aplicable será o establecido nesta resolución, na Ordenanza Xeral de subvencións, na Lei 9/2007, de 13 de xuño, de subvencións de Galicia, no Decreto 11/2009, de 8 de xaneiro, polo que se aproba o Regulamento da Lei 9/2007, de 13 de xuño, de subvencións de Galicia, así como na Lei 38/2003, de 17 de novembro, Xeneral de Subvencións e na súa normativa de desenvolvemento.

DOCUMENTO ASINADO ELECTRONICAMENTE

